

鄭念橋詩稿

諸生詩附



深柳堂詩草卷三

清漳王心

環山著

男 崧齡 翰峰 參訂

念橋師自中山來主講清暉以詩見示謹步原韻

翩翩鳧鳥已三年早出塵紅卽是仙得意偶尋花逕外敲  
詩時向竹枝前浮生覩破莊周夢清白唯餘劉寵錢莫謂  
先生顏大瘦管城何處不腴田

排悶時開北海樽醉聞花畔鳥聲喧座中只合梅爲友庭  
際還忻竹有孫信是詩書留燕翼由來道德作籬藩願將  
餘瀝勤沾漑學力駸駸問活源

卷三

一

美土從知善養和况兼時化雨滂沱宜人四座春盈室證  
道千潭月印波吟到梅花添瘦骨蓄來艾葉起沉疴時先  
生復

有出山 他年旋返西湖棹桃李門前應更多

曾經考古歷三餘學問山淵肆獵漁讎際瓊林叨  
厚澤家傳柿葉有新書生涯筆硯原無外作主雲山便是  
廬一榻安排吟席好萬花深處此匡居

報道先生館上歸水邊重認釣魚磯一從絳帳談經後轉  
覽清漳問字稀蓮淨恰宜君子性柳陰爭染及門衣逍遙  
自得壺天趣未數人問肉食肥

刻燭裁詩課更勤揮毫著紙盡烟雲鵝湖一自稱夫子花

縣非徒盼使君解到鳶魚皆奧妙剖來禮義卽耕耘光風  
霽月移人處親炙時時質典墳

衡文青眼本無花儘日書城樂未涯作賦興高曾吐鳳爲  
文意密草穿蛇門牆不厭來三瀆沆漑猶忻是一家自覺  
荒莊何以報慙將無用賦匏瓜

託足名場退亦難坐時依舊是毡寒但教室有三杯酒休  
論人言百里官花樣頗繙新譜出曲高未肯改絃彈過來  
舊熟蓬瀛路萬柄芙蓉一釣竿

五月十二日爲念橋師誕辰至家塾中集諸同人爲  
先生壽蒙示以詩卽席謹步原韻

七言律

卷三

二

一家沆漑樂陶然不比尋常祝嘏筵子弟並叨席上客

時舍

堂弟及子崧  
齡皆令在座

鄉鄰爭看島中仙桂蘭芳信來非遠

時丹華  
世兄同

眷屬將  
到廣平

松柏虛文頌共蠲塵尾輕搖談夜月好同綠竹醉

年年

是日爲  
竹醉

段紉秋新構綠陰堂延師肄業適予以遊黃梁之便

因過訪焉遂信宿其中詩以紀之

四圍匝匝樹扶疏別墅新開畫不如碧蘚細侵三逕滑輕  
雲高蔭一庭餘分明桃李門牆列况是芝蘭臭味儲且喜  
升堂參末座問奇疑到子雲居

一片書聲兼鳥聲相看人地此俱清碧餘戶外山痕染翠

酒窗前竹影橫漫道三槐誇學士從來五柳號先生他年  
再許春風坐話到林梢伴月明

秋九同及門泛舟野塘

課餘同上釣魚磯相約登舟興不違柳港彎環通小艇漁  
家歷落隱柴扉波紋遠縹緗鱗躍人影遙驚小鴨飛觸手  
蘆花隨意採夕陽秋色滿船歸

又泛舟野塘

坐來小艇儼瓜皮雙槳如飛蕩碧溪鷺起數行穿霧縠萍  
開一道碎玻璃烟籠轉覺居人密水遠翻嫌樹杪低好向  
源頭采活水片帆一自在東西

七言律

卷三

三

酬段初秋分竹

爲訪名園景共探漫誇竹箭數東南幾番慣學微生乞前  
分過一次干畝何嫌太守貪玉笋爭楸泥滑滑金鴉時下選三  
三他年綠墅重相過還摘猶頭滿翠藍

題初秋齋前綠竹

一從町疇挹清芬斗覺階前勢不羣掠地風來聲欲雨譚  
天人至逕穿雲滿庭青翠應饒汝兩字平安合報君轉瞬  
秋香排玉笋好吟消息滌塵氛

仲春與林廉泉杜澹遠馬雪堂重訪黃梁

尋春重與到黃梁只爲傳聞姓字香丹竈尚參磁石枕圖

書應續壽山堂

呂純陽有壽山堂說易

風塵咫尺當年路水月一庭

自在塘未覺先生便是覺莫疑終守黑甜鄉

秋蝶

下二清代清暉山長李景樂作

一生涯裏話行藏那畏蕭蕭爽氣涼黃菊乍開金眼眩踈  
籬爭舞玉腰忙滿庭風葉迷蕉夢三逕翩翻帶露香若到  
春光飄綺麗林間還作探花郎

吳施槃咏蝶云三春應作探花郎

秋蘭

種向湘江綺岸尋不須仙骨鬥春深冷餘臯露滋清思芳  
摘谷風宕素襟詞客初時誇佩服故人來候話同心國香  
正與天香合萬頃晴烟接桂林

時秋試題名將到故未句云云是科院中獲中者四

七言律

卷三

四

唐山道中遇雨題南和旅壁

風塵又覺一番加九九春光驛路貪作吏未會謀課督讀  
書深悔擲年華樹迷襄國低雲濕徑繞堯山曲磴斜豈是  
微才堪百里何當一路雨隨車

夏日同鄭竹坡高杏梁杜澹遠夏蔭軒郭同人武魯

陽蓮亭觀荷卽景感懷

爭道荷花放水濱可無相賞到同人東門徑引三叉僻南

浦風來一曲新

南浦曲名同人最工此調

瓣賦紅含初日麗蓋圓青染

暮烟勻不堪舊路重迴首五六年此前此問津

萬柄芙蓉六月天，亂紅深淺碧田田。且將倚檻看今日，漫憶分瓜話往年。

念橋先生嘗於盛夏亭中集諸同學有分瓜之戲

柳岸葭堤三尺

艣落花流水一湖烟，瓣香記取依如昨。惆悵亭前君子蓮，熟徑重經賦樂羣。水亭小憩遠塵氛，花於踈處看尤艷。香到深時訝不聞，遺愛幾能齊茂叔。問奇今更屬揚雲，迎門幸有何哉在笑倩烹茶意轉殷。

尋芳一路雨初收，隔浦風來氣欲秋。作吏他年防附熱，登仙今夕快同舟。朶雲隱約虹橋映，香海空濛雉堞浮。未便軟紅銷十丈，暫將心跡伴閒鷗。

和張雨香同年九月見梅原韻

七言律

卷三

五

霜華璀璨浴瓊姿，丹桂香餘殿一枝。不謂秋高尋尚早，却嫌春小探來遲。澹分籬下風清候，笑索簷前月到時。知有吟朋豪興發，滿城風雨爲催詩。

纔度秋林擢秀時，却教踈影門瓊枝。竹籬靜契羅浮夢，霜月平分姑射姿。有約登高過庾嶺，探香得句和陶詩。一般載得黃花酒，引入孤山未要遲。

本是無雙冰雪姿，恰逢黃菊乍開時。秋聲欲賦尋三逕，春色先逢贈一枝。止渴好攜彭澤酒，登高聊續鹿門詩。數莖捻處吟髭斷，翻悔催租剝啄遲。

瓊林爭暖向陽枝，只道重陽欲放時。已覺金風吹玉骨未

妨鐵幹傲冰姿香滋雀雨清猶挹醒喚梨雲夢未遲珍重  
百花頭上客玉堂長嘯寫新詩

杜澹遠高杏梁約赴午橋呂公祠觀牡丹

名花風景數城南約赴蓬萊雨後探幻擁曇華增滌色醉  
餘仙露帶朝酣罇著紅暈分濃淡可有清平調兩三一曲  
陽春知和寡

杏梁先咏  
七絕一首倚欄空惹味醞醞

探香小住曲欄東誰道闍黎色是空媿我情深雙髻白羨  
卿顏頰一庭紅檀心巧起催花雨斜影輕翻舞絮風有分  
來看誇眼福不須剪采助天工

時花雖晚  
尚可觀

香滿薰爐茗滿尊棠紅荆紫俱無論其三人對無雙品第

七言律

卷三

六

一花開不二門信有靈根培宿果漫誇香寺數慈恩朱欄  
幾曲春風麗笑待堦前芍藥翻

登鼓山黃姑菴高頂

山在武安縣東南四十里相  
傳五代時高歡女修煉之所

碧嶂嶙峋接蔚藍疎桐秋草半藍髮芳留古魏餘殘碣座  
擁慈雲現活曇石鼓雙峰排遠近橫漳一線認東南烹茶  
小憇闌干外野鳥山花舞翠嵐

閏五約同人重宴天中節於李友白書屋

澹雲匝徑午陰涼重賦天中競渡章半載幾曾聯勝會一  
年兩次度端陽盤堆角黍香霏雪殘酌明流色瀉黃最是  
青蓮饒曠達石榴花下醉飛觴

和查梅史明府雪菊元韻

黃菊初開六出飛吟香雪裏冷浸衣十分淡意人同瘦一  
抹涼痕月和肥只道秋深霜骨傲劇憐春小物華菲程門  
三徑連陶宅罨畫溪村半掩扉

淡妝旋又學梅妝點綴蕭齋景物旁瞥見枝頭微有雪慣  
依籬下飽經霜涼侵瘦骨香無碍花燦瑤臺晚未妨應是  
天工羞煊爛特教秋色異羣芳

花正香時雪正飛看花立雪整晨衣寒餘荒徑憐梅瘠瘦  
入踈枝帶絮肥五夜水華開頃刻一庭秋色醉芳菲灞橋  
詩思東籬酒莫學袁安畫掩扉

七言律

卷三

七

蕭蕭風韻鬥新妝雪影迷離糝逕旁老圃涼生清欲洗天  
花散處白於霜鹿門梅萼尋應早摩詰芭蕉畫未妨知是  
寒畦偏耐冷莫須剪采助芬芳

和武蕙堂重九後於楊厚田澁使家園看菊

秋色平章逸客情況經風雨沈寥清遙知別墅開筵好定  
覺霜華入眼明滿徑蕭疎添傲骨一樽籬落訂詩盟悔余  
未與登高會空負堦前瘦影橫

春日小園卽景

尋春正喜值春陰草蔭平橋水半停客至一樽饒濁酒興  
來三弄有洋琴燕翻細雨拋雙剪蕊逐香風度遠林猶是

少年歌咏地綠溪紅塢更生新

宜人風景是春和野趣蓬蓬入望多  
莎草藉茵青帶纒梨花拂面白雲過  
隔林呼送提壺酒別浦聲來水調歌  
三選籬邊饒逸興東山消息近如何

郭同人約鄭竹坡王靜軒蓮亭觀荷歸而留飲

荷亭如約選晨遊冉冉銀塘露未收  
消暑恰宜新舊雨時者并有安徽陸生探花應愛淺深秋  
一奩雲水開蓉鏡十里湖烟擁畫樓  
知是林宗饒逸興留賓還記滅牲不

夏日齋中自咏

柳陰深處敞書堂半百幽棲髯欲蒼  
貝葉勤翻惟埽蠹湘

七言律

卷三

八

紋漫捲好留香古人靜對重相識  
花樣新描晚未妨自悔從前無別事  
年年壓線爲人忙

會試在卽迫赴山左蕙堂以詩見贈卽次原韻

公文一紙小陽初隔歲音塵聽疾徐  
茅舍居然邀捧檄看花未許整遊車  
故園松菊書外異地岑苔風雨餘莫對  
穹廬還曲膝悔余遲讀十年書

羽曲遙傳舊譜工馬幃侍處我從同  
與蕙堂同受業念問橋師之集鳳樓

奇會到中山北庚辰復由中山請筮仕偏逢大海東  
驛路師來主講清暉

已歸雲路外蜃樓預兆鳳樓中肥署樓名自慙報稱才多

拙恐負花封蘇聖雄

王府池濟南城內大數十畝中深不可測云下與海通石竇中水泡浮動如魚蟹眼下流成渠水

味甘美

半頃風潭一鏡鋪靈池終古此清於源開石竇探星宿眼  
逆微波逗蟹魚直瀉明湖搖畫舫空留碣岸話雲渠烹茶  
自覺甘如醴兩腋風生習習餘

張紳齋明府鍾珽出宰曲阜時登岱二律見贈依韻

奉酬

一卷眞形久臥遊而今已到古齊州媿無蠟屐山腰着幸  
有鴻章望眼收絕頂定看雲氣合登樓應觀日華流何當  
少遂生平願小住羣峰最上頭

七言律

卷二

九

讀詩萬仞己心游莫辨齊州與魯州祇道名山清共賞况  
逢膏雨壑初收巖巖氣象看俱盡點點烟痕俯欲流想見  
吟肩高聳處蔚藍尺五正當頭

元旦庚寅青州

幾炷檀香和茗香金爐烟裊伴昏黃迎年牘有三杯酒對  
鏡頻驚兩鬢霜不墜元燈搖五夜如珠爆竹聽他鄉應知  
桑梓兒童樂一樣錫簫吹載陽

流光如織歲華除冉冉已過服政初作吏一行趨海岱去  
家千里亦華胥山連紉緜卿雲爛烟瑞滄溟化日舒珍重  
隨班瞻

關後春城南北走籃輿青州有南北城

青州上元觀燈

海國笙歌賞物華誰云風景別天涯卽看三五齊州月同

是高低閨苑花燄吐數行翻怒鶴紅搖雙影走驕駟青州馬燈

最莫言梓里年光好埏極於今是一家

柳泉士女走如麻柳泉益都郡名蠟鳳高燒障絳紗萬戶笙歌浮

竹葉六街烟火颺梨花同春合倩金錢買青州燈只三日秉燭渾

忘玉鏡斜幸際

大平

皇化洽莫嫌官小繫匏瓜

七言律

卷三

十

蒼帝臺墓在壽光縣城西隅

一亭雙井傍城隅云是當年啓秘初鶴表千秋留篆鳥波

紋四面瀉蟲魚雲霞燦吐天開後風雨驚聞鬼泣餘我欲

丐靈何處是飛來雁影幾行書

過齊相平仲墓懷古墓在臨淄城西北隅

相臣功業冠營邱華表巍然萬古留南服雄心銷狗竇上

卿勳首重狐裘和同辨後荒臺古徵角音餘海國秋果否

泥谿曾見阻空勞久敬寫綢繆

過三士墓弔古墓在臨淄城南

宰相深謀曷太勞一朝定策我同袍有心報國讐三士無

計除奸假二桃壯氣已隨滄海盡雄風應共月輪高旋看  
姜氏爲陳氏可有先機運略韜  
野史傳聞事近誣竟將三塚列通衢功能濟國才何害勇  
固輕生死太愚薦御尚然勤汲引餘桃猶且恕侏儒編年  
一例俱無考此事應歸有莫須

牛山懷古

東南一帶誇雄封作鎮當年表大風豈料生機銷日夜曾  
留故事話菁葱孤峰濯濯寒烟外高塚纍纍斷峽中古  
霸圖歸轉瞬涕痕空自笑齊公

長山道中

長白山前起早游山村山色共清幽老農帶露扶鴉嘴少  
婦提筐餉馬頭風送曉嵐三里霧浪搖青隴萬家秋一聲  
布穀來啼鳥好向枝頭聽粟留

歷下重晤許東田二尹

官跡重逢海岱西半廬風雨話離迷花非異譜寧殊味鳥  
遇同羣肯倦啼粟六依然嗟我拙才華幾見與君齊鴻章  
一曲長庚頌時東田上藩憲五十壽詩百韻頗蒙賞識莫道青雲未有梯

青州辛卯人日

去家三載忽匆匆人日題詩寫大東千里關心弦望月一  
寒透骨海山風屑蘇淺酌杯浮綠蠟炬雙燒影耀紅醉後

狂吟誰作解閒看泥爪認歸鴻

咏海棠

嫣然一笑出芳塵翠袖紅紗畫未真  
顏玉盈堦堆瑪瑙朱華幾點上櫻唇  
但教有色能娛目縱使無香也可人  
曉霧朦朧春睡足細將妃子認前因

青州客舍有牡丹二株苞葉俱不甚肥  
苗應期亦放花數朵自念宦遊三載於  
富貴場中貧猶如昨將無類是戲贈一律

幾朵紅妝帶露新閒尋花徑問原因  
久傳富貴卿何瘦得傾清香我未貧  
艷色自應當世重隨時也度一年春  
風前

七言律

卷三

三

飄洒渾無得莫管來看白眼人

王烈女誄辭

女天津人時與蘭山張令之子聘而未嫁其父拔與其夫翁因交代有隙用刀

扎張不死而自盡手指中風死女亦自縊上罪張而旌女焉

大義分明識力堅匪同白璧自矜全  
此生自忖容無地不共那堪對所天  
幾諫允傳千載後女時勸其父勿較不聽苦貞猶幸

十年前時女幸值未字而死丈夫誰道非巾幗  
彤管新書慰九泉

辛卯除夕

盈尺連番雪壓廬去家千里此匡居  
無官掣肘聊行樂有弟圍爐且讀書  
小住不妨頻假館行窩到處即華胥  
棗糕椒酒安排就冉冉青陽任歲除

壬辰元旦

也借鷓鴣驚列西東望

闕歸來起曉風雲氣遙呈山色紫日華初耀海門紅萬民  
雀躍歡無極元序鴻庥協大同自媿

昇平何以報隨人一例慶

恩隆

壬辰春孟再蒞朱虛

銅符再館歲華初驛路重瞻使者車千里一身添白髮三  
年兩次蒞朱虛前庚寅會代理臨朐遙山積雪開新面比戶連雲認  
舊廬京兆莫言仍五日願將撫字課公餘

七言律

卷三

三

民俗重親意義深敢云治理協鳴琴寅恭豈止聯同氣子

惠還將問寸心善俗早緣非種去霸風休向女閭尋井種

漢朱虛侯事蒸蒸日上歸敦樸竚聽弦歌送好音管仲治齊設女閭三百戶

卽今臨朐地現有女戶莊

壬辰春孟奉委赴安邱諸城相驗途中口占

一紙公文逐曉寒亂山歷盡又沙灘荒郊月冷人尋鬼野  
逕村稀犬吠官民豈無良干法易情如必得問心難聖賢  
書讀緣何事生死毫釐子細看

和張南橋同年留別高苑士民詩四章之二

未敢高談上九爻一官三載繫同鞵鴻泥小印旋陳迹燕

子重來認舊巢

八月自省出差後  
同青仍寓舊館

布帳餘寒和月冷柴門

無客倩風敲春光杏苑看明媚悔殺當年暫代庖

代理臨  
胸未及

三月清苦依然弁因  
此遂不得預試爲之一嘆

鎮日勞形案牘旁敢云懸鏡有虛堂功名大抵歸人海世

事於今識宦場階竹冒寒敲日暖岫雲雖重奈風狂欲歸

未得歸何是空負南豐一瓣香

余少受知於錢塘鄭念橋  
先生先生以戊辰詞林改

知縣不合時宜負累不得歸余鄉薦後再三囑曰日後甚  
母作縣令今不聽師言遂致如此同一思之殊增愧嘆

### 蒞臨邑任觀風詩

筮仕溧陰六月時是鄉風景正相宜室無子羽欽芳躅國

有顏回媿未知茆屋雨風參嗜好莎庭苗莠敢迷離先型

### 七言律

### 卷三

### 古

况近來禽館

來禽館先輩刑子愿書  
屋子愿爲是邑名士

珍重薰陶念在茲

### 留別臨邑士民詩

溧陰百里快鳴騶僂傀登場不自由鍊硯半生磨欲老銅

符三綰序初周催科已誤羈行馬約法多疎負杖鳩箱滿

圖書風滿袖空教人羨小諸侯

### 登臨清南城觀化亭

亭高七十餘級  
在汶河西岸

小山聳翠絕塵紅百尺亭臺佳氣葱北控鳳凰低峻嶺

東

爲鳳嶺

南流汶衛俯長虹

南卽汶衛  
合流處

梯雲一碧胸襟盪麥浪

橫青眼界空十萬人家歸指點迎薰快誦大王風

### 登名靈閣

閣創修松崖刺史取山不在高水不  
在深之意在臨清南關汶河西岸

亭亭傑閣號名靈小憩輪蹄此地經山色半遮臺近水蒼烟一榻話逢僧仙人世界居何陋刺史風流德並馨片片雲帆看楹外幾聲欸乃座中聽

題增松崖刺史公餘課子圖

屋小如舟蔭碧桐琴書瀟灑畫圖中淵源家學敦長白錦

帶風流耀軟紅增係政矢寅清唯伴鶴訓嚴午夜憶丸熊

卽看竚立亭亭玉文采光芒氣吐虹

甲午楊蓮峰出關中紀事詩二首並所取關墨一冊

見贈卽和元韻

好是驕驍道路開肯容鴛足暫追陪黃花舊雨三秋朔紫

七言律

卷三

五

桂新詩一紙來滿目琳琅歸哲匠盈門桃李萃英才文章

風格遵先正漫說東鄒式化裁東鄒青城郡名

吳斧羣將桂月修無花老眼一齊收卽今鎖院誇三捷那

論蟾宮困九秋一代休明憑鼓吹二東文運自風道盟薇

再四鴻章讀大筆淋漓五鳳樓

甲午冬仲奉委勘文壽光芟草及官荒地一帶工竣

紀事七律四首

風濕雲濃海氣寒是地到海十餘里沙灘漠漠引蘆灘求芻始信

爲民牧履畝今堪作地官若謂辛勤三宿易恐矜亥算一

番難無邊畛域縱橫處萬頃烟光鏡裏看是地四面俱水一望無涯

馬首東瞻戒曉行六花片片散瓊瑩念九日忽雪少時輒止凍雲風

急重裘薄矮屋烟深一隙明是地四無居人唯土屋可以辟風雪雪滲鴻泥

灘十里燈連漁火夜三更是日歸時已夜半行泥淖中不辨南北歸來一飽

聊高臥轉覺村齋分外清初至寓央子莊學舍猶以為不潔及由茆草地歸則如天堂矣

蘆荻灘頭白草場茫無畔岸此籌量風寒共僕堆茅屋灘西

岸有茅屋可棲不冰綻衝寒上野航冰薄不能勝人簞踈似在土屋中矣

一條拖四面水面不能施竿以簞計之每簞約數十竿竿標雙影誌中央水中各立

雙竿為界消爭今見輿情古兩造俱無爭競願息訟

皇化由來洽海疆

一派烟波四望橫肯教吟域不分明質田已自消虞芮利

七言律 卷三 十六

藪何庸設鹿衡舟渡野塘漁唱答風餘萑澤盜踪平聞土人云

是地舊為盜藪今皆遠去矣相爭今日還相讓十八年來此化成是地爭訟

十八年矣

題倭廷繪翼長家園憑雲樓卽用菊人督府元韻

傑構凌雲別有天四圍花影門芳鮮山堆螺髻簷前送徑

繞羊腸竹外穿十丈塵消先得月一層水近好栽蓮葦林

青翠知多少黃鶴風高是謫仙

前題 代春圃太守作

玉樓艷說杏花天二月春光別樣鮮錦織梭營絲柳度香

探粉蝶畫欄穿看山巧對元章石近水宜栽茂叔蓮好是

一層人更上五雲深處小遊仙

和春圃太守見寄夏日感懷元韻

每從臺畔酌金波往事重提奈別何  
讞秉大公塵牘少詩緣細律玉聲多  
宦程未許歸人海世態於今了  
障臙一鶴一琴行得得清風滿袖引香羅

和春圃太守青州留別元韻

漫道離情付斷魂暫拋別緒勉開樽  
宦場冷暖真如此世路平陂總莫論  
客裏雲山皆是主典來花鳥共忘言  
矜着五馬朝

天日

七言律

卷三

七

御座書名荷

湛恩

博山卽景兼留別士民

城在羣峰第幾彎巍巍設險抱重關

是邑四面皆山城南青石關尤稱險要

亂溪繞郭引秋谷

邑多靈泉湧出八景中有秋谷高風卽贊善趙秋谷先生別墅在范泉之側余

下車愛其幽雅卜館其側曰怡園

面對秋谷攬山水之勝萬壑流雲滴夏山化洽洪爐

風自古地鍾靈氣石無頑

是邑民風敦樸山石玲瓏土人取之煮以爲器瑩若水晶天下

珍媿余五日爲京兆小住壺天共往還

高苑卸篆留別士民二首

奉檄連番到九秋

中秋前後連奉府委司委攝篆建信

宛城三月此淹留文

章多士誇鸞鷲風俗斯民佩犢牛下車觀風拔取人文韶秀數人是邑南北朝屬  
渤海樂意喜逢墉鼠竄哀鳴怕聽澤鴻謳是歲先旱後  
郡教輿論分清濁一曲驅歌且倡酬憑

廳事公餘早放衙六房如水吏無譁觀風幾度踰三嶺邑  
以地勢高者爲嶺舊問水會經過五窪奉委會勘水災是  
有金銀鐵嶺之名錦秋湖外又號極目瘡痍商撫字盈門桃李好栽花槐他  
五窪會經過焉無數扶鳩杖繞郭爭看使者車

田橫里

結客無端號半千空將義氣話齊田兩雄未許重瞳立逐  
鹿應輪隆準先蒲版五臣曾共主孟津八國宿同肩王侯  
有詔宜如約一旅能安海外天

七言律

卷三

東帝曾傳十二齊偏安海島此休提同心詎肯甘駢首一  
誤終將慮噬臍平勃幾希悲狡兔韓彭次第困雌雞何如  
高謝侯王詔華表英風碧草萋

和春圃太守恭題

御製曉霜楓葉丹元韻

西風陣陣送輕寒番畫楓林一色看知是凌晨霜氣肅非  
關浸曉露華團涼雲艷逐吳江冷旭影遙烘

上苑丹珍重玉堂揮彩筆題紅未許落英殘

去臘朔六日亥時長子

來省余相見於高苑署

中今歲

來省亦於是月是日是時相見於高

著何數之適相符也喜而賦此

昔時今日此門間客路迴環里二千報到弟兄如一轍相

逢父子有前緣三冬冰雪趨庭志途中十日俱逢朔風大

有時寄宿簷下十載風塵作吏年東奇冷夜行傷失逆旅

者為之一嘆新得意蟾宮瀛島望聯翩余此生以不中進士為恨此子

新喜入泮少有寸進亦庶補余

和長思亭重陽登馬驛山元韻

古驛巍我門鶴鷗十年今又度重陽強臺競上心俱豁樽

酒難辭醉欲狂露滴清華餘淨碧香霏若盃話昏黃幸當

政暇人和候乘興還宜上講堂

七言律

卷三

十九

聞韶處懷古

訪勝如斯也不圖悵懷三月味忘餘卽今尚記聞韶處有

客曾題近聖居地為子氏花園近在聖宮側博簫管變成

山鳥舜亭臺分作野人廬典令陳公會題近聖居三字不緣曾論留芳躅儀舞人幾賦

子虛

丁酉冬日曉起卽事

準擬林泉憇小亭無端百里又重經代桃何事甘僵李移

步居然妙換形宦海波沉千丈黑雲衢羽振一天青遂初

果遂歸來賦憑道人閒喚醉醒

悼亡二首

冉冉糟糠四十秋，牛衣臥處此同謀。  
挑燈佐讀猶勤績，玉饋留賓屢貰裘。  
鴻案依稀隨逝水，陶園零落獨登樓。  
女箴

一卷遺經在

氏嗜讀女兒經鈔凡數十頁

入室何人聽唱酬

荆釵布衣素衣裳，藹藹音容淡淡妝。  
賴有室中呼趙嫂，何堪天壤此王郎。  
望雲幾見高巫峽，觀水曾經識太滄。  
三逕黃花何處問，一番迴首一神傷。

重陽歷下

又逐輪蹄歷下遊，滿城風雨此淹留。  
青山雲髻堆千佛，黃菊花樽送九秋。  
有客題糕歌逆旅，誰家吹笛倚高樓。  
何時得遂歸來賦，笑倩奚奴爲買舟。

七言律

卷三

三

深柳堂詩草卷四

清漳王心一環山著

男岱齡海翰峰參訂

同楊玉甫登唐山 一名堯山

五嶽未登一唐山今在觀驅車觀面過山靈笑迂腐山徑  
在山陽尋之約數武我轉從山陰自笑離規矩計彼百仞  
高作氣可一鼓削勞飛虬龍峻嶒伏狼虎峭立巖前石若  
揮巨靈斧聚足攀藤蘿鞠躬學僂僂苔滑不受足石齒合  
鍾乳絕頂乃小平周迴列廊廡逕仄短亭敲碑斷文字古  
中有穆穆容達摩清虛祖肅禮下堂坳一望橫烟雨襄國

古近體

卷四

一

有無中太行半吞吐嵐氣上層霄去天亦尺五回顧山陰  
道駭然不可俯因悟五嶽形想亦同阿堵卽小以見大樂  
本由人取自上而下易層層達曠土又悟走險道踉蹌徒  
自苦小憇倚坡前清風撲眉宇清風撲眉宇登車日正午

除夕

卅載匆匆度日爲改歲時掇裘呼病婦爆竹任嬌兒鎮日  
心如水流年髻欲絲萱堂歡聚處團坐煮黎其

鍾馗仍挂壁今夕又逢年戶戶桃符換村村社鼓連屠蘇  
微醉後餽餽快嘗先擬待鄰雞唱瓣香理佛前

過荆塘舖

壯士每輕生由來義所感七首出熒熒驚破祖龍胆報丹  
雖未成丹心已早盟一拚酬知己虹氣吐縱橫吁嗟乎倘  
教六國食客盡得如先生安用戍卒叫函谷舉以之削木  
而爲兵

見漁者有感

酷暑苦無奈散步經前溪一片橫塘水有子忽招提云是  
子母魚流過涯之西似鱸巨其口鱗次墨參差臨淵空自  
羨急須投以機余聞而往觀溶溶清且漪但見數千頭蠕  
動貫纍纍下有鱗盈尺隱見相依隨如鳥翼卵候如牛舐  
犢時有如逢彼怒作其鱗之而悍然奮鯽背敢將鳧鴨驅

古近體

卷四

二

揚鬚還掉尾撥刺浪花吹若族多蠢蠢茲獨近乎慈居然  
阿母翁養育共携持何來輕薄兒慕地施芒錐瞥然驚一  
響貫背血淋漓張吻亂挑擲慘甚餌之垂其母業已斃其  
子將安歸旋充雛鴨腹噍類子無遺見生惡見死對之方  
懷其何物蚩蚩笑向余前持謂余有斗酒聊以佐盤區  
烹之鮮可食作膾甘如飴余聞而益悲揮手遽謝之如此  
慈愛者下咽其能誰君不見乞伏時思放陽龍棄復悲又  
不見懸庭有羊續止獻有公儀余旣不能爲網罟之解清  
流之移又何堪覩蠕蠕之形惇惇之態而取快於喉間一  
寸之爲漁人無以應退賦五言詩

送五窮四首

年年學送窮送故新旋復何如不送佳留作舊相識  
送窮窮轉來求福福不至此理何茫茫天下本無事  
錢字象金戈銀邊寓長止此意人不知得已吾欲已  
多藏忌厚亡有餘爲怨府庶幾顏氏子簞瓢足千古

擬攀桂曲 有序

歲在己卯念橋師納姬人楊氏字桂枝中山女校書  
也舊爲師所識欲納之不果未幾爲豪家子奪去而  
強梁者窺其姿復欲奪之勢成鶻蛤之勢殆癡心於  
禮聞報罷後途次清風便訪馬君紉芳因得桂枝近  
耗師以書示紉芳使留意焉無何張拙山太守因公  
道過清風爲積潦所阻因尋念橋師書帶草詩刻於  
紉芳且代師尋桂枝近况紉芳言近可圖矣太守力  
主其議卽走書中山守袁君俾玉成之是秋遂迎以

宮近體

卷四

三

歸師作攀桂曲以記其事時同門張文

山張雨香俱有和詞心亦謹步其後

涼宵夜月明如水寶鏡奩開素娥起一陣天風送妙香小  
山簇簇開珠蕊世人那解冠羣芳老眼無花屬玉堂二十  
四番風信遍揀來都遜廣寒香重尋金粟証前生一斛明  
珠萬斛傾誓言甘學康成婢烏絲畫格侍書檠無端鷓蚌  
風波陡絳樹驚催綠珠走夜闌咄咄怪書空爲祝對山來  
援手最是多情太史公一封花信薛箋紅蟾蜍何物還相  
守青鳥飛來未許通迢迢銀漢紅牆隔排空雁字消長碧  
楊花無力任飄飄蓮子有心空脈脈脈落花流水去無涯積  
雨偏停月老車草書嚴作同心帶紅豆翻成連理花紅

今日重相見桃花依舊如人面  
枝頭忽作鳳凰樓莫認脚  
泥舊巢燕同是霓裳隊  
裏人大羅仙子素娥羣  
燈前重認三生石  
趨出軟紅十丈塵  
我憶當年馬絳帳  
牽帷四座名花向  
談經朗朗解頤時  
珠塵不動歌塵颺  
况是河陽栽花叟  
滿城桃李成林藪  
而今小試吳剛手  
天香馥馥羅窗牖  
筵前拜手還稽首  
敬進先生酒一斗

哭甥女二十二韻

甥女氏楊余寡姊女也生甫彌月其父卽歿時姊方十九歲矢死靡他迄今三十有一年甥于歸後生二女一子忽而天逝余失臨之後詩以誌慟云

養女未爲悲悲值靡他誓撫女卅一年忽忽又遐棄計汝

古近體

卷四

四

設帳時彌月父卽逝汝姊已早天

甥有一姊早歿

終復鮮兄弟所

恃母氏存未亡方廿歲寒雨夜孤燈績餘時揮涕幸汝甫

及笄乘龍覓快婿媚媚饒宗慤風鵬程指日計

婿段氏乾隆甲戌武狀元

之孫已

入武庠汝女亦頗慧汝子亦頗銳懽然列庭階丹桂雜蘭

蕙一丁方喜添二監忽爲厲汝母聞耗時驅車已不遞一

痛泣無聲斷腸幾自斃更憐外祖姑髦年神漸斂

時吾母已八十

有一歲矣

痛汝兼痛女時時彈老淚余旣乏雁行姊亦乏妯娌

貽懼汝幸無庶乎顏共霽愔然玉棺下此事闕匪細撫柩

一長號漫漫夜何際弔汝漿一盞麥飯和粗糲魂其歸來

今尚饗余之祭

惜花吟

茅屋三兩間菊花四五株隨手略位置羅羅清且疎秋風  
時吹來偏反畫中披嫣然渾欲笑若舞傾城姝何物號花  
師苦倩挺持扶上焉夾其脰下焉貫其跌中立而不倚束  
縛交肌膚盈盈解語花桎胡爲乎無奈看花客得得羅  
庭除雕欄綺檻旁浮白任歡呼誰憐傲霜質蹙尾跋其胡  
應有惜花人聞此一長吁

內嘲

妾笑郎近衰郎謂妾不敬如以妾言誣郎試窺諸鏡  
郎志素云大妾心甘敝廬長安車十上猶浣破羅襦

古近體

卷四

五

秋夕聞雁

應愛溪邨僻遙空結陣來一聲清夢破萬里碧天開舊侶  
辭沙漠新知話楚臺春歸還眺望重訪水雲隈

哭念橋師 有序

寒梅載咏人欽一字之師舊雨重逢士切瓣香之祝  
而况栽培素荷教養均叨追隨二七年中坐風雨間  
相聚數百里內立雪維殷一旦痛切山頽人隨水逝  
鱗莫啣諸講室鶴遽駕諸雲山徒使悽涼池館難依  
北斗之瞻寂寞樓臺曠洒西州之淚慟斯極矣傷何  
如之謹將相從始末彙諸篇章聊抒佩服之忱承誌  
弗諉之意云爾

苦雨打窗聲不已凄凄帳外涼如水暫時撒手罷叮嚀  
子報到先生死當年記取到蓬萊罡風吹下玉樓臺一封

花縣飛鳧鳥次第河陽桃李栽自慙樛櫟材相似謬蒙培

植同蘭芷一經接引喜登龍峩峩高閣鳳樓止肥署有集鳳樓三楹

心隨杭溪叔及武蕙堂金節堂同年課讀其上甫輟琴聲聽誦聲古槐三逕夾窗

明師題一聯於肥署其次聯云業教誨之還飲食登樓時

最愛古槐三逕常聽書聲噴竹林名師輒以賢竹林呼心叔姪四六未能聊學步敢云雛鳳聲堪

慕師命作四六因贈以集古詩數一朝星使出詞曹拔茅

吉叶連茹句癸酉心與武蕙堂金節堂高秀巖秋香御李

喜同車沆瀣欣將一氣誇心癸酉鄉薦出粵東李椒堂先生房而椒堂又念橋師戎長薦

師也故椒堂師為先慈壽序有師生沆瀣一氣云云清分鶴俸重郵致公車輓轆出

官衙好是中山賢太守翩翩公子成文藪乙亥師館中山張醒齋太守衙

古近體

卷四

中一時從學者山左竇筠軒東臯先生孫也張太守猶子我揚程少尹子補堂及中山士劉敏行馬縵芳丙子戊寅筠軒敏行自我不見已三年見時飲我中山酒丁丑禮闈報罷道過

皆舉孝廉中山師留旋館荷花多士課朝朝更喜春風坐丁丑夏師來主講清

共小酌得得意步聯花外吟探幽興逐芒鞋破幾度稱觴竹醉天

鄉鄰爭看島中仙五月十二日為師誕辰心迎至家塾中集諸同人為師壽師以詩答之是句即

步師韻原句也詩興添來酒一斗酡顏幾點上華顛前身合是謫

仙選龍蛇走筆風流彥自言老眼愛看花揀取花枝屢忘

倦二豎無端太不仁膏肓一入起無因庭前忽下修文詔

超出軟紅十丈塵鶴淚猿啼不可聽呼天搶地痛先型長

留詩卷人何在師有貽經堂集鳳樓閒居憶舊錄書總幃帶草詩刻數卷又有清暉課士數首

冥冥風冷冷憶說錢塘來時路風伯舞兮憑夷怒驚濤汨

沒孝廉船謂識己應差無懼聞師戊辰來試禮部時與門下蔣雲繅孝廉同舟風波陡

作舟幾覆翌日方解纜抵都雲繅病歿人咸以爲卽風波之兆云是利先生入詞館不道覓裳隊裏

人三年流落臥漳濱用唐句按縣志肥鄉地名清漳一官匏繫清於水釀

成宦海澗無津師改館宰肥三年竟以清貧負累不獲生歸吁嗟乎遭陽九兮

逢百六大道淪兮微言歿永歸長夜嘆漫漫怪事向空書

咄咄靈均甫弔弔先生師於五月五日作古招魂賦罷泣無聲悔教

桃葉桃根侶幻成披蘿帶薛山之精已焉哉十四年來沾

雨化荒莊未報鶴先跨從茲立雪誰家門愁聽悲風號日

夜

古近體

卷四

七

楊玉鳳歌

蕭郎匹馬從軍去景差示我新詩句讀罷徘徊夜不眠揮

毫重把芳情賦云是傾城彼美姝隨郎轉側倩花扶金針

繡出鴛鴦譜湘管描成蛺蝶圖自言家住長干裏阿母自

誇錢樹子度曲微掀點點唇彈箏偶露纖纖指但看釵頭

玉鳳凰兒家名字君知矣一入芳年嫁姣童斷雲零雨怨

飛蓬蓮子有心空泣露楊花無力不禁風一朝名士名姬

遇銀橋許問黃姑渡願作銜泥燕定巢莫教落月烏啼樹

碧玉迴身淚忽垂贈來芍藥是將離避雨怕遭鴉打鳳傷

心誰惜絮沾泥此時無計挽香車此時柔情各自嗟拋來

兩地相思淚紅豆春風處處花明朝重問永豐坊不見柔  
條罔斷腸淪淪羅雲橫碧落迢迢銀漢隔紅牆紅兒今日  
重相見憐人依舊桃花面髻邊斜掛辟寒釵篋裏猶存合  
歡扇細字珍珠玉版牋幽情密緒致纏綿銜悲但道妾命  
薄惜玉誰如郎意憐殷勤重訪三生約折花莫待花將落  
不唱了娘十索歌那禁子夜連珠諾弄玉終將蕭史隨求  
鳳先把琴心托寄語人間戴伯鸞定情須覓水晶盤自慙  
西子沈吳沼誰贖文姬返漢關絮弱去隨流水易風吹高  
轉落花難臨別翻成金縷歌從來好事怕蹉跎只愁春去  
花如雪空對楊枝喚奈何

古近體

卷四

八

魯仲連墓

解難復排紛書生自不羣却秦還爲趙一矢勝三軍壯志  
凌滄海殘碑映夕暉笑他珠履客空事號溫文

硯友高清節廣文見訪

自君之仕矣數載音茫茫今夕是何夕相對挹休光憶余  
年弱冠立雪同門牆聯吟然杖火角勝逐文場興高兼采  
烈樽酒話衷腸一自分鴻雪天然隔一方始雖鵬羽鍛終  
叨鸞諾香武垣施化鐸桃李植行行清節以膳錄貢歲  
成均司河間鐸  
月曾幾何半百已相當瞥見驚相顧兩鬢各成霜自言無  
宦情匏繫久非良苜蓿甘如薺何如敬梓桑斑衣爭起舞

適志且徜徉

時清節以終養告歸

嗟余悲風木硯食守窮鄉羨君歸

綺里衣錦侍萱堂業捧毛生檄旋謀仲氏糧饗殫資鶴俸  
其樂也洋洋一官何足論菽水滋味長脩德必獲報積善  
有餘慶蘭芽着秀茁棟莩競芬芳怡怡占大順逢吉樂康  
強相望百里遙和氣扇迴翔願薰君子德惠我永無疆

華不注

是山真峭絕崩巖入遙天淨挹三霄露青分一朵蓮蒼茫  
連鵲起綠翠認螺旋爲訪三周事閒花野草邊

擬駱賓王帝京篇

其一

九重開帝闕六合避皇風欲識周無外先觀建厥中建中

古近體

卷四

九

隴右宏幘幅百二雄關歸輦轂首蠶叢接地維龍興虎  
視連雲臺陝坂高撐扼楚雄咸陽先入恃秦鹿贊陽營關  
何煌煌叟敬度規還肅肅十二通門復旦開三條廣路共  
徘徊嗟呀萬雉金城建天矯六龍玉輅來城平分寶幢星  
緯煥瑤階桂宮何杳窳隘道儼崔嵬風起鐵箏惹露明仙  
掌瀉踰踰鸞鷲庭炯炯鴛鴦瓦金爵門觚稜玉珂鳴天雅  
圖書演石渠著作排金馬石渠宏敞載斯文東觀奇書拓  
見聞策對天人有董子詞工劇美陋楊雲綿褱習儀方靄  
靄園橋觀聽復紛紛一帶園橋周壁水外餘甲第連雲起  
甲第連雲貴戚家朱輪華輻走遊車五侯七貴殷屏啟四

姓南宮講幄遮戶窗明羅綺珠玉等泥沙况家金穴探無  
數鄧氏銅山隨意鑄駟馬如龍在往來雷聲不語聽朝暮  
傾城傾國兩相歡常得君王帶笑看翡翠明珠如不勝盈  
盈掌上門輕紉外家寵錫冠皇州爭豎奇功位列侯願將  
青史標麟閣不屑紅顏貯鳳樓讓許班馮美勳誰衛霍偉  
玉關遠拓皇威暢瀚海平臨武績留戚里居然尊虎帳王  
庭豈止隔鴻溝羞將移奪開田竇那論文章數固彪四海  
廓清王化宣宸居從此屬延年玉杯寶獻階前氣金馬祥  
生嶺外煙白雲方丈起黃犬老人牽璇室瑤宮皆炯晃蓬  
萊瀛島相鈞連超然世外塵無染齒德兼優留懿範四皓

古近體

卷四

十

青宮翼已成一星碧漢槎先犯浮雲富貴有何常窮達奚  
煩繞熱腸好武好文時未遇爭名爭利願終償差幸一言  
能悟主不妨三世尚爲郎受祿爭傳萬石好去官誰笑二  
疏忙數奇安李廣易老任馮唐沛下貴臣詎六合從龍一  
旦朝聞闔司馬題橋意氣雄斑超投筆志封侯侯封未倖  
邀帝澤希新沐相慶有彈冠無令學辟穀懿鑠哉治道該  
文景休風看炳炳成周治化儼恢恢相臣大體眞能識廷  
尉公平莫見猜漢京宏若此皇道盡昭回孰工平子賦愧  
乏孟堅才

封畿十里拓閭闔九重開皇建爲民極宸居應斗魁維皇  
建極宏規卜莽莽羣雄爭逐鹿捷足高材已入關五雲王  
氣籠函谷雄封未許屬分符龍首居然趨輦轂靈協河圖  
玉軸橫星臨東井鈞陳肅百二秦關據上游五千夏服此  
誰儔未央長樂棲金爵廣路通門起玉樓朱堂懸壁彩華  
闕豎雲楣平城連青瑣軒階映碧墀劍履如雲來衣冠似  
鷺列無雙運虎韜畫一攄鴻烈丹詔屬分封彤廷歸杖節  
天祿闢深沉石渠標清絕石渠天祿貯鴻經金馬承明著  
作庭秘省校來分典籍圍橋觀處肅儀型萬軸牙籤東壁  
府一莖藜杖老人星外餘雉堞翼如歧風送鸞珂鳴戚里

戚里連雲起畫樓朱扉繡幙上銀鈎連番甲第皆千戶杏  
靄朝烟散五侯平陽貯金屋方島接瀛洲瀛洲神嶽看無  
際十二瓊樓仙境麗亭亭裏露立金莖炯炯流丹分玉砌  
蓬萊瑤草幾回尋歸騎徘徊次上林仙館已登憑屬玉期  
門旣飲看飛金樹甫長楊歷池旋太液臨織女弄機機軋  
軋石鯨露甲甲森森蒼波滂沆漸臺立灝氣澄清蘭觀深  
已信文成開不誕未妨司馬獻規箴漢中制作已唐皇一  
紙軍書出建章馬踏燕支方勒石山臨居胥又封狼詔未  
輪臺悔棧看博望忙玉門生入知臣老汗馬奔騰貢帝鄉  
人生莫道功名誤志氣凌雲憑建樹射石將軍數固奇題

橋司馬時終遇爭名爭利判賢關寵渥何能莫倖頒共說  
况家爲金穴誰憐鄧氏號銅山銅山金穴俱無論達者王  
侯逸者民麟閣功勳方景慕高山齒德已兼尊但自矜懷  
玉奚煩嘆積薪賈生詞博堪華國一歲三遷稽古力辭蜀  
馬卿叩帝閭千金詞賦賣長門千金奚足美雲路登茲始  
峩峩鳳闕中濟濟鴛鸞裏吁嗟乎盛衰殊阿房三百有餘  
里楚人一炬同荒蕪鴻溝遠隔三分定鵠首高居六合符  
詞傳平子麗賦孰孟堅徒博古稽皇道宏京寫壯圖

其三

漢皇秋水提三尺逐鹿秦中爭捷獲先入咸陽據上腴雄

古近體

卷四

十一

關百二王畿宅仰窺東井應星纏俯協河圖涇渭川鶉首  
龍山看合抱圓方太紫相鈎連傑構凌雲起未央樞含八  
極唐哉皇通門杳篠連嶢闕隘道嗟呀接玉堂左城右平  
看歷歷雲楣藻井何煌煌椒房華飾流金碧燭綴隋珠文  
趙璧別館琳珉敞玉階增城岌業鋪文碣外有承明著作  
庭石渠天祿峙亭亭鴻都充棟文俱赤虎觀連楹簡正青  
金莖雙立青雲護上有銅盤承寶露仙館依稀十二樓瑤  
臺咫尺三千路帝畿遑躑躅三成煥炳如斯數漢京邑邑  
都都相望屬巍巍翼翼曷恢宏興衰自古相倚伏萬事無  
常隨轉燭已見白雲起壯圖旋成蒼狗凌晴旭君不見祖

龍阿房三百里虹橋雲閣交羅綺一朝烽火照咸陽歌臺  
舞殿嗟已矣又不見重瞳昔日都彭城割據鴻溝恃重盟  
約法三章成帝業虞歌一闕泣英雄卓哉天授非人力險  
設函關開紫極粉社龍飛雲氣騰風臺長嘯皇威勒再興  
赤伏轍雖東開先王氣由西北又何疑文景之朝上與成  
周而比德

秋夕段蘭堦杜澹遠同舟見訪卽用蓮亭觀荷原韻  
有客來何暮溪邊見故人綠楊孤艇繫明月一杯新岑破  
今宵寂光生入座勻呼童還更酌團坐話津津

古近體

卷四

五

杯中月澄看壁外烟長歌見君子靜對半池蓮

丁亥夏仲同杜澹遠鄭竹坡高杏梁蓮亭觀荷遂登  
奎章閣最高頂

繞郭蓮塘逕十里只見芙蓉不見水紅雲斷處碧雲連  
臨高閣危然起危然高閣起中央上有朱樓唐哉皇縹緲  
一層誰更上巋然存者魯靈光吟朋約略偕三五水心旣  
且尋烟雨北門管鑰倩居停

時俞堂弟在  
亭內肄業

作氣先登憑一

鼓千紅萬綠紛羅列俯視羣芳渺一切鏡湖隱約臥虹橋  
香國空濛迷雉堞雉堞虹橋爭綺門無邊幻景齊奔湊風  
雨龍潭咫尺飛西山爽氣來襟袖長嘯一聲最上頭凌風

五體似俱浮盪開眼界三千丈銷盡胸中萬斛愁諸君望之却欲走余亦凜乎不可久亭前小住還翹首萬丈文光直射斗

釣突泉 己丑

歷下名泉七十二偉哉造物鍾奇異奇異偏鍾釣突泉頓覺泉中豎一幟照眼雪濤忽地生驚人風雨半天晴珠花潑灑知多少石磴橫欄萬古清

青州送畚堂弟回廣平

雁字排空碧西風結陣寒山川看歷歷車馬去漫漫我自甘匏繫君宜振羽翰歸家如問訊但道好爲官

二 古近體

卷四

古

聖水行

青州城東八里聖母宮前有池一泓水與岸平味清甘廟外路深雖深數尺尚無水足知此水之靈矣池旁有樹大合四抱亦二百餘年物也自唐初鄂公飲馬於此

聞道城東偏云有聖水寺水源鍾靈秀策馬偶然至聖水  
聖水始何年遐乎渺矣元之元石橋臥波如偃月方塘活  
活湧神泉神泉噴薄騰曉霧此中應有神龍護一朝飛雨  
作甘霖桑田倏忽遍膏澍我今到此亦匆匆臨池薄觀潭  
影空挹來一盞甘如醞頓覺塵銷十丈紅窅然深翠古如  
斯仙源拓境曷離奇神所憑依不可知有功於民則祀之

久雪喜晴

枕畔鳥聲啼知是陰雲掃覺來盼窗前晴光日杲杲滲漉

融鴻泥温暎送綿襖石齒凍溜橫冰筋簷挂倒凡卉燦天  
花松柏更蒼老山色指雲門面目開瓊島幻態任萬千陽  
鳥一出好熙熙遍蒼赤春臺登共早

同益都幕友登馬驛山

款段出青門登臨四望存低烟縈樹杪夕日耀山根古鎮  
餘雲壘新知伴酒樽陶然微醉後歸路近黃昏

辛卯春仲望家音不至懸念綦切拈筆賦此稿甫脫  
桐峰叔忽到

千里望迢迢閒居賦寂寥隔窗聽細雨燃燭坐清宵水遠  
魚書杳天寒雁信遙雲門山色近遣典擬來朝

古近體

卷四

五

喜至

轆轤車聲響油油負笈來入門真意外相見各顏開行色

勞千里家音話一杯冠軍聊小試

時桐峰叔  
小試第一

桂苑望追陪

程廉舫司馬屬題箴中空色圖

一面畫十美人  
一面畫十骷髏

天地之性人爲貴大造祇此網縕氣一陰一陽道乃成構  
精消息包隱費山輝川媚由懷寶眞光未許拋草草何物  
遊心風月場不圖伉儷圖姣好圖成十錦人如玉合歡扇  
舞想思曲雙雙蛺蝶集羣芳野草閒花看不足粉紅隊裏  
認三生蓉鏡分嬌訂重盟那解柔鄉空色色任教芳夢喚  
卿卿嘉偶怨偶成二五陽臺酣夢驚雲雨縞衣不敵綺羅

香艷骨終歸蘭麝土露餘蓮子泣無聲空惹荷絲斷續迎  
碧草青山何處是落花流水兩無情君不見青鸞對舞鴛  
鴦宿芙蓉映面雲映髮一朝春色老人閒銷盡冰肌惟玉  
骨慾根難淨還滋蔓何以斷之有慧劍試看君家空色圖  
五更猛醒應揮汗

其二

覩破世人迷眼故高情屬我題詩句題罷新圖夜不眠挑  
燈重把閒情賦看是傾城羅彼姝如雲簇簇倩花扶金針  
繡出鴛鴦譜湘管翻成空色圖若道是空便無色空中現  
色真奇特是空是色象依稀卽色卽空花頃刻憶自陽臺  
酣夢初爲雲爲雨興遽遽先生得道稱烏有此事誰堪賦  
子虛準擬一生花裏活折花好趁花初發轉眼妖嬌屬骷  
髏不覺常頭棒一喝道是無緣似有緣緣從空色界參禪  
燈紅綉幙棲嬌鳳月落空山泣杜鵑空空色色真奇幻何  
人下筆開生面願借君家尺幅圖逢人盡畫合歡扇

范公泉懷古

泉在青州西門外

公臺數數登

臺在青州府署

公泉未一面咫尺判雲山無乃客中

憾公臺高高公泉清前臨陽水後青城有亭翼然臨其上  
樹林蒼蔚翳簷楹下有窈然寒泉井照見先生無雙影一

瓢長白幾度秋

公幼讀書長白山在鄒平縣南

汲來此處餘脩綆望之

儼然道貌岸先憂後樂饒成算對此臣心矢共清想見當年  
蠶欲斷君不見軍中一范驚相顧大度汪汪羅武庫倘  
留一勺濟長江悠悠天塹能飛渡逸勝新訂止水盟頓教  
廉讓都無名酌來小憇消塵俗兩腋習習清風生登公臺  
飲公水雖未見公賴有此門外長河浪空起

范公亭

亭在青州府治內東偏卽范公臺

海右茲亭古登臨憶范公後先憂樂共長短古今同雲樹  
層簷外鳴蟬夕照中一樽吟眺處相與坐薰風

雛燕詩三章

爲孝烈女王氏作

翩翩雛燕哀鳴漣漣戴天不共遑知所天

比而賦也

古近體

卷四

七

翩翩雛燕女貞是棲豈無他木不借一枝

比也

翩翩雛燕旣明且斷破巢之下安有完卵

比也

和吳梅岑五律四首

臨邑

冊載寒毡坐常談慣老生問奇披玉府訪古擁書城執圃  
聊行樂毛錐暫代耕江村傳北土水木此俱清

別浦開吟社芙蓉憶舊緣

家居同人作文會號芙蓉社鄉會中式者十餘人

幾人

攀紫桂若個繼青蓮日送登瀛客心傷過夏年

唐人以禮闈下第留

都者爲

驕驄誇捷足湯許著鞭先

余丙戌大挑一等楊蓮峰等猶健羨今諸公有

過夏入詞林成進士者

大東初筮仕四載易春光裘敝涼生座庭寒月在牀一麾

謫作宰百里異殊方慙媿虛聲附無緣慰四鄉半載犁田無善足錄

四鄉士民竟送衣傘實增厚顏然清

官舍清無奈良朋接武林梅岑為蓉峰弟戊子同年友岑苔聯異地風

月語同心媿我刀傷手為清事十分負累聆君玉作音杏林春色

### 近元氣賀調鼎

### 清源八景

鳳嶺春苔是地曾經臨幸賜名鳳凰臺

春臺處處生春嶺亘南北不遇鳳來儀二者俱寡色鳳兮

鳳兮來何年下覽德輝輝後先即今東望爭延竚被堤芳

草曷芊綿踏春苔登鳳嶺煌煌

### 古近體 卷四

宸翰常彪炳如見高岡桐華萃

### 鰲磯秋柳

鰲背控滄溟誰留一片石秋色蔭垂楊絲絲如曉策大者

見大小見小小中見大涵蓬島若教僅作釣磯者猶輕滄

海一粟渺

### 板橋折浪

雲板截中流源源古渡頭噴珠花濺雪旋玉浪浮瀝波訝

之江折濤驚不夜浮會看牽畫鷁利濟賴良謀

### 筍霸分流

川口猶民口疏通力不妨三分餘壩峙一力挽瀾狂汶衛

銷鷗吼舩舫駛燕檣中流看順軌

聖世樂輸將

藻井殘碑

碑刻忠孝兩字在臨清州明倫堂左右

風雨一亭危煌煌兩字碑大文垂藻采古篆剝蛟螭彝訓  
銘猶昔淵源理在斯環橋觀聽後忠孝賴人爲

雄關畫舫

君不見函關百二都龍首陝版重重稱固負又不見巴山  
三峽通巫口雲帆幅幅隨風走吳頭楚尾路漫漫湘轉帆  
隨如旋斗况是清源近

帝京西來漳水東復東爲汶爲衛雙流合異派同源注會

古近體

卷四

九

運河原名通會通河

四月五月天氣和暉開七二漾烟波千人耶

許河干路萬斛撐空天際過重關設險鎮方州大舟小舟

古渡頭款乃一聲開錦纜垂楊兩岸認朱樓此時鱗集排

紅舫此時魚貫飛雙漿浮家泛宅不知名風正潮平扣關

仰誰道今關異古關今關一例爲糾姦飛鋏挽粟知多少

歲歲津梁看往還

奎亭化雨

傑構因山起亭傳列宿名凌雲聯桂紫時雨遍莪菁抉手  
星捫斗然藜閣憶庚欣欣觀物化桃李滿春城

佛塔慈雲

拔地出重城參天空倚  
倚  
在衛河  
層層掃塵

障洞開不二門籠罩大千相爲雨遍蒼生此德真無量

### 和松崖刺史雨後課諸生於桃李成蹊園

別墅三楹園半畝瀟然一局破風雨春風化雨幾番新雨  
後時時文會友絳帳高舉世葉香淵源長白演天潢課雨

課農兼課士陰陰桃李羅門廣清源舊是人材藪

清源臨清郡名

不堪往事重迴首紅螺館廢長苔花

紅螺館漱玉亭俱臨清先儒讀書處

玉亭危餘培塿玉亭螺館已前聞作振斯文有使君徐穉

榻留春滿室石生羅致舉張雲霧雲高接墨雲濃桃李花

開佳氣慈聽來陣陣催詩雨送到番番入座風驚風驚雨

### 古近體

### 卷四

三

筆相催一片宮商韻又來之子當筵工吐囑者番花畔正  
裊裊興來得意書還疾萬斛詞泉聲汨汨著紙如聞擲地  
金生花巧試凌雲筆芳園漠漠澹相遮芳友簇簇摘春華  
多士毫端都有蕊衡文眼底本無花斑斑玉笋來非偶顧  
而樂之侑以酒此時北海正開樽跨看東瀛登某某

### 登雲門山雜詠

奇峰列翠屏東西亘無旣一洞透山腰時時吐雲氣

雲門洞

大石臥山陰上有仙人足仙人去何年高躡留芳躅

仙人足

卓錫駐華陰何時遊齊魯終日臥吁吁一夢高千古

希夷洞

華峰劈巨靈導水排雙闕此石誰中分絕頂峭如削

劈山

一字書千仞縱橫勢莫攀如椽留巨筆作頌獻南山

壽字

題呂滿塘參軍生肖圖

圖中小照據虎而眠

君不見苛如虎視民肥瘠耽耽俯又不見力如虎凌人意  
氣赳赳武况是谷風一嘯生履尾誰堪餘勇賈滿塘仙吏  
宿檀那炳炳大文非噲伍象生為肖圖自然風格出塵貌  
奇古取身取物洞禪關是二是一叅花譜三生石上舊原  
因八斗才華新繡組邗龍莊蝶將母同鄭鹿喬鳧安足數  
黑甜鄉裏臥吁吁人耶虎耶孰無覩

題音春圃太守見示西園雅集圖

勝會傳珂里西園軼事聞名流誇學士下筆有將軍倚座

古近體

卷四

三

來紅拂談空送白雲琴書橫歷落翰墨酒續紛俊逸兼廚  
及才華重戚勳人迷金谷地序演玉堂文舊跡留都尉新  
詩紀使君藏之應什襲寶繪共芳芬

西園係駙馬都尉王晉卿園慕東坡諸公

名故為此會按寶繪堂係晉卿堂名

乙未春登范公臺有感

月轉星移後高臺此復登蒼松仍謾護綠竹更層層舊句  
同人集新苔仄徑疑凭欄舒望眼春意日蒸蒸

乙未小陽與青城楊蓮峰相晤於田鎮

風雨聯窗後方城百里專與君逢野館相見又經年棘剪

田齊界

鎮在高苑青城兩縣之間因循捕俱至於此

梅看庾嶺天一樽從事酒

歧路各揚鞭

丙申八月十日辛酉五更早起

萬壽聞雨感懷

偶成二十二韻

午夜不成寐待漏起倚俛孤燈明耿耿相對據胡牀空塔  
聞夜雨隔牖入微涼連番拋急點屋瓦鳴丁當淒淒千里  
客旅館思意長相親僮與僕骨肉天一方離絃已數載斷  
續音茫茫昨宵雁西來嘹唳聲多商秋風吹颯颯瘦骨知  
非良牛衣曾共臥甘苦倍親嘗同心安蓬壁半百餐糟糠  
有子幸遊庠有天幸爲郎一堂方好合其樂何洋洋先勞  
而後逸胡不身康強一官嗟匏繫魄無兩翼翾相思不相

古近體

卷四

三

見不覺余心傷忽聽雨聲歇暗色露清光監子奔相告一  
騎下黃堂云是拜

九重鸞聲鳴鏘鏘轉憂忽爲喜顛倒褰冠裳匆匆出門去  
杳靄聞天香隨班爭忭舞

聖壽祝無疆

渡汶河 在今安邱城北

一片平沙迥湯湯汶水湄岸雲隨瀨活柳浪漾春嬉杖策

經三度危橋臥一陂

吳春首夏會三度汶水每冬邑令修橋百餘丈以濟行人入夏卽折之

茲屆首夏齊南與魯北髮髯是如斯

夜渡濰水 在今諸城北

燈火出重闈  
行行問水濱  
黑雲迎馬首  
白浪瀉河濤  
其道懷神禹  
于囊憶漢臣  
忽聞喧渡口  
登岸已浸晨

重陽長思亭邀同李文齋馬驛山登高卽席口占

高會逢佳節  
開筵忘主賓  
蕭疎秋色候  
三兩素心人  
露菊濃於染  
雲林迥絕塵  
遂初如可賦  
願作太平民

正值歌鳴鹿  
遙空望雁賓  
同爲燕趙客  
相作宦遊人  
山暈疑含雨  
臺高不染塵  
烟村憑指點  
康阜祝斯民

秋九次兒 崧齡 自青回家省母

風雨滿城郭  
車驅未暫停  
愁帷忻見子  
客舍此零丁  
宦跡羈千里  
家聲仗一經  
無爲桑梓戀  
詩禮早趨庭

古近體

卷四

三

題青州廳前古槐歌

范臺西畔復堂東  
中有古槐鍾元功  
歷年千百計  
難窮精華飽  
飮霜雪封十圍  
不足喻穹隆  
柯石偃蹇臥  
弓弓杪枿碧幹挺  
青銅薛皮斑  
剝蒼苔蒙老根  
出石走虬龍  
鐵索橫腰防  
雨風葉雜鼠耳綴  
玲瓏孫枝斜抱  
痾瘦翁一條橫  
巨起長空勢如  
雨霽飛晴虹  
垂青入牖影  
叢叢洒然四座銷  
塵紅塵尾揮却襟  
懷融古人取物理  
能通此樹美蔭兼黃  
中移植官解陰蒙  
籠望之若蓋森然  
崇左嘉右肺石雄  
雄棘心推赤將母  
同我來青州  
五稔重學製  
日日仰菁蔥  
自媿樗櫟材  
蓬蓽棠憩恩  
沾召伯鴻况是  
吾家舊物手植之

三公亭亭不亞龍門桐視同桑梓敢忘恭對之鬱鬱如宸  
楓願將陰午徧鴻濛餘陰永庇襄天工不然何以八子春  
八千秋歲與大椿相始終通生茂豫樂睥睨

牛山温泉

用前人原韻

灑灑蒙泉出山均碧一痕巖深霜月冷春小浪花温

時值十月

鯨吼喧奚壑龍池漾遠村

按縣志水下  
注爲龍池

豐年欣有瑞小駐

欲探源

碑志載土謠云温泉開豐年  
來邑令楊公更名曰瑞泉

無鹽梳妝臺

陌貌優於德君王不見猜田齊無寸土鍾后有高臺枕席  
兵戈息羅幃玉帛來三歸空笑仲未肯許追陪

古近體

卷四

十四

琅邪臺

琅邪萬古名上有秦時石讀罷意倏然海水一天碧

超然臺行

在諸城北城上  
有東坡先生像

城臨滄海東復東西接秦岱巖巖雄地靈擬合樓人傑誰  
其翹者蘇長公蘇公宿擅眉山秀文章下筆風雨驟吐鳳  
光擎殿上蓮飛鳧華錫膠西綬膠西形勢屬姑尤卜築城  
隅最上頭琅邪全勝歸一覽霞舉飄然物外遊先生踪跡  
平天下海色江聲聽日夜三峽七盤九疑峰水峙山流奇  
爭逐羗此翬然塵市中一亭一榭地弓弓概以卑之勿高  
論誰笑先生眼界空人生行樂本無涯作主雲山便是家

丹翠一籬甘杞菊綠雲四野話桑麻蓮峰翠嶺又五指隱  
隱常廬高綺里南山當戶更谿衍批竹雙雙聳馬耳

馬耳常廬

五通皆諸

城山名 一條橫帶瑣城腰濰水波迴碧浪驕

濰水在淮城北

陰事迹依如昨烟波悵望影迢迢當年况值困青蠅无妄  
幾緣文字萌一麾出守離樊棘戛然孤鶴青天鳴先生此  
樂真非假小中見大神魚雅雪泥暫印誌歸鴻五湖范狀  
良工寫讀公臺記躋公堂敬祝南豐一瓣香臺前信有凌  
雲氣十丈塵銷萬丈芒

小陽二十日自稷下返寓適蓉塘弟亦於是日到青

喜而賦此

吉近體

卷四

五

驛路馬蹄忙還雲共夕陽顧余方息轍喜汝正歸裝天遠  
來魚雁更深話梓桑關山千里別相對月如霜

戊戌春日再登營陵城望孤山

昔歲此登臨春山閒竚望轉瞬已經年獨立還惆悵

鴉鳴行

鴉兮鴉兮爾何鳴夜半繞樹流哀聲人言此是不祥鳥主  
人聞者家多傾我今閱世已週甲兩鬢白髮如霜生作宦  
數年宰百里 聖恩潭渥曷深宏家本蕭條無擔石高車  
駟馬衣裘輕况復兒孫多纏膝青桐綠竹蔭前楹人生如  
是願已足流光一任時陰晴我今與世已無爭任爾啾啾

相送迎不然或是憐我貧病吏好音窻外懷多情鴉兮鴉  
兮爾何鳴

懷平干諸友

涼月明如水澄懷宕素襟雙鳧游子意千里故人心雲樹  
關山隔文章歲月深釣遊相賞候樽酒話園林

俗兒書至喜得長孫榕

話到平安竹森森正發榮顧予方匣甲喜汝正添丁似續  
承先業貽謀愧老成漫將風俗吏繩武志前程

喜得次孫榕

一孫復一孫繩繩似續繁雁行聯伯仲鳳律協篋塤名翼

古近體

卷四

二十六

分鸞鴛生先肖犬豚二子俱  
成年生青箱遺業在好並二難論

宿青州舊館偶成

老馬識前路翔禽懷舊窩十年風雨意夢知五夏多

